

洞真太上說智慧消魔真經卷之三

內二

洞真太上說智慧洞魔真經卷之二

內二

入定品

太上八術智慧洞魔神虎隱文得者入定生
生无死上相青童撰合成章

若有篤志宿命應見此文受之皆當齋戒賫

金龍玉魚盟誓皆是天下萬精群靈之名千

魔萬妖之隱諱也故撰之成文太一帝君常

以鬼兵衛之慎勿輕傳太上大道君爰乃自

彈景龍雲璈霄音千逸萬響纏激流微鬱勃

紫藹迴蔭玄風八發放是玉鳳延頸金鸞整

炁龍吟碧波虎躍神州九嘯和唱玄鈞洞无
伏獸攘袂猛馬張喉揭嶽橫林銜劒攝邪衆
聲紛亂百狼獲妖爾乃命玉清上官侍女安
法嬰田四非趙定珠存雲門等合歌揮神之
詩滅精散靈之曲其辭曰汎汎太霞轡八浮

內三

造雲營神宗理靈襟龍翰秀玉京金門纏蔚
裕九房朗紫瓊高駕涉北元蕭蕭入无生朱
虎導靈師綠轅登上清四玄明朝禁抱華還
鳳城七難尚梵綠擬標九元衢宣曜寶太暉
飈眇躍景敷整控啓素鄉河靈已前驅陰雲

帶夜日燭月欵交初結朗未生神携領同反
无萬源瀉北谷乘空歸流星滅景擢浮游我
峯自霄浪纏綿嘉樂宿妙微挺虛向逸宅丹
玄本太空道亦暢幽明秉靈符闡推豈乖喪
落玄表群會生始似久夢德隱冲内迹至寂

不覺當神精感太素煙映在所之玄響奏豪
外幽條焉能疑協晨鼓長扇暉霞生在茲絕
洞溟溟流翔翅六領臺神王入玉虛至无侵
朱兵九羅遘幽遼妙會亦已平道藏金極章
彈調赫栢榮千龍吐淥水九河倒竭傾洪藹

攝絕宅靈浪四盖庭齊首陵曾宇莫檢形與
名領拔納元和秀縱玄執理含精灼雲房蕭
倅清零紀靈道趣蘭闕玄玄即排起萬峯但
竒觀雲上有瓊子終劫協玉華靡覺方日始
源神齊洞化淪伏忘定征河侯結上觀景珠
內
瑋琳庭理元二虛表凝澄豈虧盈太陽交重
陰迴拂存落冥同任六覺外靈唱齊一聲運
璣璇漢道煥煥動華瓊萬神騰朱馬千魔无
暇生妖滅水火宮真躬寶太貞四命此阿理
神定響呼召地祇土精匿烝山嶽藏雲九源

絕滅推校千精執馘雷震兆帝啓道四明奉
轅摧爛萬邪勒割艷山九鬼共首千魔同身
五帝秉鉞神公吐煙紫明竦觀朱炁累纏靈
志夜臺精藏長綿毒獸萬尺所屠无親有何
小妖聚百累千交炁齊瞻當人生門神虎縱
威斬攫臯殘太无竒道至靈所甄子今受之
永以佩身萬試不校千妖不干玉華詣房天
真遊旋諷明靈音上朝三元歌畢於是
太上大道君乃命左玄玉郎鬱梨玄執紫金
羽節召太微天帝君太微天帝君凝化精炁

操真策虛嘯咤萬神權羅本初手執金真淡
盼太元忽聞命卒行登勅駕羽靈朱皇啓道
輦甲天丁萬虎驅除金龍御兵玉節投景飛
華入冥流燭煥陣行啓日精打碧鼓之滂浪
叩瓊鍾之砰砰於是玄鈞合和廣樂遏後九鳳
延頸而唱嘯內二百龍銜津而同响金精踊音八
鸞翔舞紫旂建霄錦旄繞野綠蓋列廕曲晨
欵舉流鈴交擲月明徹響瓊珩表真佗停五
象香華散煙霧葩三景輕霄納暉薄霞帶光
鳴轡七道八輦浮空虛輦九千衛以毒龍走

雲赴玄聚炁攝風天明翦潰八光朦朧真女
右騎左命靈童儵歛千億已到上宮傳駕玉
清身超帝壙徊步紫闕稽首待通既至良久
太上大道君乃勅命侍晨四臣徐引以前登
藥珠之闥入七映內房太微天帝君稱名曰
賤臣今到請聞大命矣

太上大道君曰李山淵德合七聖爲金闕之
主方當叅謁十天理命億兆定中元於玄機
制陰陽以齊首拔真擢領封河召海斷任死
生把執天威馘滅六天總罰三官羅執北帝

明公侍軒道亦高標德弘逸遠任亦重矣掌
亦侔也我既已說之以智慧又復記之以消
魔智慧可以驅神消魔可以滅邪復授之以
神虎真符使威馘六天詠之以揮神高章亦
助之散穢去患也且太微帝君所寶有金虎
真符以制天地神靈叱之以行便得摧斬千
精佩之而往則萬鬼滅形衆魔妄侵而即死
群妖闕之而目冥乃可俱授山淵以成其任
乎於是

太微天帝君稽首唯唯乃解雲笈及發瓊函七

光映素流日啓真九暉停曜飛香交纏執符
未授顧命太微侍女紀林華嚴採雲朱條煙
韓放要等合歌金真之詩步虛之曲其辭曰
太冥絕四玄洞景寄神通玉臺敷朱霄有綠霞
有金墉上挹雲珠嶺仰投无刃峰靈鏡耀紫
館藹沫暉冲空冥化纏玄琅挹節携紫童圓
塗无凝幙綺藹復有重南排朱阜户西踰豪
缺窻體矯萬津波神生躡十方玄歸反寂轍
上響乘天龍

冥摠飛景輿揮鈴七道遊輕朗雲塵津欸已

造玉州左攝玉映妻右命金真夫上接飛霄
賢俯援靈妙疇彌纏廣寒宇披錦入神丘鳳
腦固劫齡藻醴反華頽太上宴壽稔制命萬
杪階三覺承玄數縱歡煥牙迴颺燄停琅華
紫桂何棲棲琳實鳴九霄玉節徵太微黃策
過德刃豈罕真人暉弃素入无質百象始俱
遺豁陽丹炁頴爛燦絳雲飛齊契玉映靜炫
懸上清畿神靈應冥數順感招兆世洪津浪
紛蔚併景叅容裔我我金闕子蕭條入雲際
俯仰萬光變將順同精契玄棲絕寂臺清詠

智與慧消魔滅萬鋒揮詩以逐穢金虎承天
威摧神以匿氣掃妖千萬頃萬里无邪芥於
焉大神割血百精喪目金虎奮豪吐威放毒
收鬼无間橫截剝腹六天共首神靈頓跼鳥
獸藏音林草偃伏太元竒逸靈文朗郁佩之

內二

五

而進得以朝玉皇禮之於瓊寢衆真詣其房
有泄於神虎文禍及於九宗有漏於金虎真
符殃逮於七祖翁山淵藏之道德之英矣歌畢
太微帝君乃授李君金虎真符跪誓陳謝而
各別去李君既得奉受二符及聞太上說智

慧消魔之二經並告上相青童使與上宰四
輔撰集合成爲文令常施用以傳宿命當爲
真人者七百年中聽三授之此詩希微異音
多是天地萬精群靈之名千魔毒妖之隱諱
者也太上詠其名以顯其化以敘其事以盟
其符矣神映八觀靈洞竒落威靈之祕符滅
魔之妖作是神虎首其上標金虎班其次序
智慧蔚乎文中消魔陳其字間矣若夜中恐
畏但諷此二篇詩則千精迸匿如與萬人同
宿山川聞此詩詠其神皆執鞭向聲處而拜

敬也况佩神金以流煥六天何得不聚伏耶
若有志道之士遊行五嶽欲昇仙騰超不得
太微天帝及太一君諱名目金虎真符則名
不得上仙府也佩此符并諷誦滅魔之文則
千精迸匿如與萬人同宿山川聞此詠其大

神皆執鞭向聲處拜敬也若佩太微天帝諱
及太一君字皆當賚盟信義請受師口訣不
得經歷滂穢所謂八地隱術之祕妙也慎勿
輕泄傳非其人殃流百世時不能受此恐有
發泄封還名山

洞真太上說智慧消魔真經卷之二

此經之旨
在於消魔
智慧之妙
不可思議
凡我眾生
若能信受
此經之旨
智慧之妙
不可思議
凡我眾生
若能信受



